

Vijesti

Međunarodna federacija geometara

Sastanak Stalnog Komiteta - Firenza (Italija). 5. do 8. septembra 1955. godine

Ovom sastanku Stalnog Komiteta FIG-a prisustvovali su delegati Austrije, Belgije, Holandije, Engleske, USA i Jugoslavije. Pored izvjesnog broja službenih delegata sastanku je prisustvovao priličan broj drugih stručnjaka, iz raznih zemalja, tako da je ovaj sastanak prema broju učesnika više ličio na jedan međunarodni kongres u manjim razmjerama. Osim toga kongres je prisustvovao i velik broj žena, koje su pratile svoje muževе, i nisu htjele propustiti priliku da vide remek djela talijanske umjetnosti i slavne spomenike, koji su karakteristika ovog grada i krajeva, koji su se ovom prilikom posjetili.

Na dnevnom redu su bila u glavnom organizaciona pitanja federacije, preuzimanja administracije od strane novo izabrano biro-a, te donošenje raznih odluka među ostalim o budućim sastancima S. K. i o finansijskim pitanjima federacije.


Svečano otvaranje održano je u ponedeljak 4. IX. 1955. 1955. god. u sali »Duecento« (dvjestotine) historiske palače Palazzo Vecchio. Delegate je pozdravio predstavnik načelnika gradske općine Firenze M. Bargellini, predsjednik Collegio dei Geometri provincije Firenze M. Bessi, te predsjednik talijanske federacije Piccoli i na kraju predsjednik FIG-a Peltier.

Radni sastanci održavali su se početkom od 4. IX. poslije podne, svakog dana prije i poslije podne prema dogovorenom vremenu u prostorijama trgovinsk ekomore (Cammera dei Comerci). Nekih stručnih predavanja izuzev Dr. G. Boage prof. iz Rima »O uspjesima i najnovijem razvoju geofizike«, nije bilo. Iako u Firenzi postoji Geografski institut, tvornica instrumenata Officine Galileo, te veliko fotogrametrijsko poduzeće Ente Italiana rilievi aerofotogrametrički (EIRA), nije bila upriličena ni jedna posjeta ovim značajnim stručnim institucijama. Organizator sastanka Collegio dei geometri Firenze ispunio je slobodno vrijeme da se delegatima prikažu historijski i umjetnički spomenici Firenze, kojih nema tako malo, da ekskurzijama u bližu i dalju okolicu prikaže prirodne ljepote Firenze i njene provincije. Priredena su dva banketa, jedan od strane organizatora u Firenzi, a drugi od strane Collegio dei geometri provincije Pescia u četvrtak na večer nakon ekskurzije Firenze — Pescia — Lucca — Montecatini Terme.

Kako je ove godine istekao rok upravljanja dosadašnje uprave federacije, u kojoj su bili zastupljeni Francuzi (Predsjednik Peltier, gen. sekretar Wantz, blagajnik Guillaumin), to je dnevni red prvog sastanka bio ispunjen predsjednikovim ekspozom o aktivnosti FIG-a u periodu 1951.—1955. izvještajem generalnog sekretara te blagajničkog izvještaja. U ovom izvještaju predsjednik je istaknuo zadovoljstvo radi ponovnog pristupanja Jugoslavije FIG-u, te učlanjivanja novih članova USA i Izraela.

Federacija ima 7 komisija:

- Komisija I za tehnički rječnik, predsjednik Dr. Luis Hegg — Švicarska,
- Komisija II za katastar i seoske komasacije, predsjednik R. Perrin — Francuska,
- Komisija III za kartografiju, instrumente i fotogrametriju, predsjednik Prof. Dr. Jung — Njemačka,
- Komisija IV. za urbanizam, regulacije i gradske komasacije, predsjednik Henry Welles — Engleska ,
- Komisija V. za mlađe geometre, predsjednik Geom. Calabro Mario — Italija,
- Komisija VI. za plaće i stručnu aktivnost, predsj. J. Van der Linden — Belgija,
- Komisija VII za stručno uzdizanje, predsjednik Marcel Gazeau — Francuska.



Svečano otvaranje sastanka stalnog komiteta u sali Duecento — Palazzo Veschio Firenze

Postoji težnja, da rad komisija bude permanentan, kao što je Stalnog Komiteta. Do sada je to uspjelo komisijama I i II. Poteškoće su uglavnom financijske naravi, ali čini mi se da u mnogom ovisi i o aktivnosti predsjednika i članova komisija, bez čijeg jačeg zalaganja ne će vjerojatno moći doći do veće aktivnosti drugih komisija.

Na ovom sastanku podneseni su izvještaji o radu I. i II. komisije.

Dr. Hegg je izvjestio o radu komisije I. Održano je niz sastanaka. Istaknuo je rad sastanka u Lausanni, na kojem je prisustvovao i naš delegat. Komisija suraduje sa Nacionalnim geografskim institutom u Parizu, koji raspolaže sa jednom sposobnom i aktivnom ekipom stručnjaka. Osim toga veliku pomoć ukazuje i Institut za primijenjenu geodeziju u Frankfurtu. Rad na izradi i redakciji riječnika je pri kraju i uskoro će izići *Vocabulaire des Géomètres* na tri jezika: francuskom, engleskom i njemačkom. Izdanje će biti provizornog karaktera. U daljem radu će se za konačnu redakciju prirediti prevodi na talijanski i španjolski jezik.

U diskusiji su delegati odali priznanje I. Komisiji i Prof. Hegg-u na obavljenom poslu. Talijanski delegat je prigovorio provizoriu, ali se na koncu zadovoljio objašnjenjem, da je iz tehničkih razloga takav provizorij potreban. Poljski delegat je istaknuo obimnost rada oko izrade ovakove publikacije. Izrazio je spremnost za suradnju, jer su izdavanjem sličnog riječnika na pet jezika (poljski, ruski, njemački, francuski, engleski) stekli prilično iskustvo. Prikazao je primjerak njihovog riječnika. Član biroa FIG-a iznio je razgovore sa predsjednicima UNESCO-a, koji se u principu složio i obećao pomoći kod štampanja ovog djela.

Izvještaj o radu II. Komisije podnio je predsjednik Perrin (Francuska). Komisija se sastala u julu mjesecu u Zürichu. Raspravljaljalo se većinom o problemima katastra u raznim zemljama. Postoji težnja i nastojanje da rad ove komisije bude permanentan.

Izvještaj je primljen bez diskusije. Na žalost ni ovaj, kao ni jedan izvještaj, koji su pojedini referenti podnosili na sastanku nije bio umnožen. Neki su izvještaji bili podneseni na osnovu zabilježaka. To je priličan nedostatak u radu ovog Komiteta. Jedino je umnožen i delegatima razdijeljen blagajnički izvještaj.

Iz blagajničkog izvještaja može se vidjeti, da federacija, nakon perioda rada od četiri godine raspolaže s jednim pozitivnim saldom u iznosu od 200.000FF. Blagajnik je istaknuo, da sređivanje financijskih prilika FIG-a nije uslijedilo samo povećanjem kotizacije od 0,30 S. F. na 0,50 S. F. po članu nac. udruženja, nego uslijed pristupanja novih članova Amerike i Izraela, te vraćanjem u članstvo Čehoslovačke, Poljske i Jugoslavije. On, kao i njegov prethodnik Phanner, je mišljenja da je mnogo korisnije, radi saniranja financ. prilika, pridobiti nove članove, nego povećati kotizaciju.


Novi izabrani biro federacije, koji je izabran na Kongresu u Parizu 1953. g. jesu: predsjednik Prof. Roelofs, gen. sekretar Prof. Baarda, te blagajnik Ing. Govers, svi iz Holandije.

Na ovom sastanku Komiteta bilo je potrebno, da se izaberu još tri podpredsjednika između nacija, koja je organizirala kongres 1953., koja će ga organizirati 1957. i 1961. Kako je kongres 1953. bio organiziran u Parizu, a 1957. će se održati u Holandiji, to za ta dva potpredsjednika je bilo jasno da treba jedan da bude Francuz, a drugi Holandanin. Za trećeg je bila postavljena kandidatura Austrije. Ovakav način izbora potpredsjednika biroa nije statutom određen, ali se praksom ustavio i predstavlja prikladnu formu za rad uprave federacije i održavanje kontinuiteta u upravljanju, i prenašanju iskustva na novu upravu, koja će organizirati kongres. Međutim pored kandidature Austrije, naknadno je i Talijanska federacija postavila svoju kandidaturu. Nakon kraće diskusije izabran je delegat Austrije i Italije. Dr. Schiffmann (Austrija) i Dr. Chiaramello (Italija) treći je Holandanin Prof. A. Kruidhof. Prema tome je određen i organizator kongresa 1956. godine M. Peltier dosadašnji predsjednik ostaje i nadalje član biroa.

Na programu je bila i reorganizacija komisija i izbor predsjednika za period 1955—1959. Nakon kraće diskusije usvojen je prijedlog, da se mandat predsjednika komisija produži i za naredni period.

U nastavku dnevnog reda raspravljava su dva prijedloga za prijem u članstvo FIG-a: Asocijacija geometara Argentine i još jedno belgijsko društvo koje nosi naziv »Ordre des Geometres du Royaume de Belgique«.

Nakon izlaganja izaslanika Argentine prof. dr. S. Schultz-a primljeno je udruženje Argentine za novog člana Federacije, dok je belgijsko društvo odbijeno.
U dalnjem radu izabran je za počasnog člana Federacije dosadašnji predsednik Peltier.



Sa izleta u okolini Firenze — Dr. Schiffman, Dr. Hegg, Ing. Kamenik, Ing. Janković

Predstavnik engleske organizacije The Royal Institution of Chartered Surveyors Miss Edne Rotland pozvala je delegate u ime svoje organizacije na sastanak Stalnog komiteta slijedeće godine u Londonu. Sastanak će se održati u prvoj sedmici septembra 1956. Sastanak će imati pretežno radni karakter, ali organizirat će se i razne ekskurzije među ostalim i posjeta jednom sasvim novom izgradenom naselju.

Belgijski delegat je zatim ponudio da se sastanak Stalnog Komiteta održi, neposredno pred Kongres u Bruxellesu kad se održava i velika međunarodna izložba 1957. Ponuda je prihvaćena. Slijedeći kongres će se održati u Holandiji u neposrednoj blizini Amsterdama 1957. godine.

Nakon što je iscrpljen dnevni red predložio je R. Danger, da se skrati razmak između dva kongresa i dase kongresi održavaju svake dvije godine. Svoj je prijedlog pravdao time, što bi mnoge nacije željele, da se ovakova međunarodna manifestacija održi u njenoj sredini. Ako se uzme u obzir, da su za slijedeća tri kongresa 1957, 1961 i 1965 već predviđeni organizatori, to bi slijedeća nacija došla u obzir tek nakon 14 godina. Kad će onda doći na red sve članice FIG-a?

Predsjednik je upozorio da je to statutarno pitanje, koje se ne može riješiti na ovom sastanku, ali da bi ga trebalo prostudirati naravno sa svim posljedicama, koje bi ono izazvalo, organizacione i finansijske naravi. Zamolio je, da se to pitanje prepusti birou, da ga prouči i podnese na slijedećem sastanku.

Predstavnik Njemačke delegacije je predložio, da bi se federacija trebala aktivizirati oko razmjene mlađih stručnjaka i studenata. Iznio je stav Njemačkog udruženja, koje bi bilo voljno, da ovakovu razmjenu osigura na bazi reciprociteta.

NEKA ZAPAŽANJA I LIČNI UTISCI

Svakako da se djelovanje Federacije u međunarodnom kontaktu geodetskih stručnjaka sve više osjeća. Poteškoće oko veće suradnje i češćeg kontakta, te intenzivnijeg rada komisija, su svakako uslijed finansijskih poteškoća. Međutim smatram,

da bi se veća korist i bolja povezanost osjetila, kad bi se našla mogućnost boljeg i efikasnijeg informiranja o radu organa federacije, kao i o djelatnosti i aktivnosti pojedinih društava članova federacije. Mislim, da bi najbolje tome odgovarao jedan stručnoinformativni bilten kao organ FIG-a. U koliko bi tu nastale finansijske potreškoće tu bi onda trebalo kod svih sličnih sastanaka, da pojedine delegacije i komisije štampaju svoje materijale u dovolnjem broju primjeraka, da bi svako društvo, pa i ono koje iz bilo kojih razloga nije moglo sastanku prisustvovati dobilo po jedan primjerak tih materijala. To umnožavanje mislim, da ne bi za pojedino nacionalno društvo predstavljalo neki tehnički ili finansijski problem, a članovi bi bili bolje upoznati sa svim stručnim zbivanjima oko FIG-a.

Naš je Savez na ovom sastanku prvi put bio predstavljen jednim delegatom i to je prvi kontakt poslije primanja našeg Saveza u ovu međunarodnu organizaciju.

Sastanak je uistinu bio dobro organiziran i program ispunjen radnim sastanicima, razgledavanjem ovog zanimljivog srednjovječnog grada punog umjetničkih i historijskih spomenika te njegove bliže okoline. Kratko vrijeme koje je između programa preostajalo bilo je nedovoljno, da se detaljnije upoznaju brojne znamenitosti i umjetnička djela firentinske katedrale Dome, Baptisterie, kapele Medicis, velike galerije Uffizi, palače Pitti, kao i da se obide krasna okolina Firenze. Premaš vremena, da se čovjek nadivi krasnim ostvarenjima majstora Raffaela, Michelangela, Ghirlandaia, del Sorta, Tizian-a, Perugina, Caravagia, Paulo Veronese-a, Tintoreta, Botticellia i mnogih drugih.

Nešto korisno što se na ovom sastanku moglo naučiti jest i to, da je neobično korisno na ovakovim sastancima lično upoznavanje, upoznavanje kulturnih i historijskih spomenika dotičnog kraja, kao i upoznavanje prirodnih ljepota.

U tome su organizatori potpuno uspjeli. Upoznavanje krasne okoline Firenze šetnjom sa autobusima do Piazzale Michelangelo i na Fiesole, primanja od strane provincijskog Društva za turizam, primanje u Historijskoj palaći Medici (Palazzo Ricardi), od strane predstavnštva provincije Firenze, te na kraju oficijeli banket u jednom restoranu na obronku brežujka sa kojeg se te večeri pružao veličanstven pogled na panoramu Firenze iluminiranu mnogobrojnim svjetlom, povodom tradicionalne svečanosti na rijeci Arnu, sve to doprinijelo je da su se učesnici veoma ugodno osjećali zaboravivši na više puta suhoparnu tematiku stručnih sastanaka.

Veoma lijepa ekskurzija bila je upriličena 8. septembra kada su se posjetila i razgledala historijska mjesta Pistoia, Lucca i Pescia. U prekrasnom parku Collodi, rođnom mjestu autora Pinocchia, blizu Pescie, priredio je Kolegium geometara dotičnog kraja užinu, a na večer završnu večeru u jednom velikom hotelu banjskog mesta Montecatini-Terme.

Za ovaku lijepu organizaciju zasluga je prvenstveno Nacionalne Federacije Geometara Italije čiji je predsjednik M. Piccoli, te Organizacije Geometara provincije Firenze čiji je predsjednik M. Bessi, kojima se i ja zahvaljujem za ugodan boravak u Firenzi semtembrom 1955. povodom sastanka Stalnog Komiteta FIG-a.

Ing. Mato JANKOVIC

Obavijest o nagradi Brock

Nagrada Brock, zlatna medalja i počasna diploma, ustanovljena je da bi potakla razvoj fotogrametrije u cijelom svijetu novim, značajnim doprinosima. Nagrada je ustanovljena kao uspomena na prvi, pionirski rad grupe ljudi iz Filatelfije na čelu s Arthurom Brockom ml. i Normanom Brockom u 1914. godini. Oni su zamislili i razvili Brockov postupak i početkom 1920. godine organizirali su firmu pod imenom »Brock and Weymouth, Inc.« koja je izvela vrlo točne fotogrametrijske premjere u USA i Kanadi. Automatske kamere na ploče, stereometri i sposobni tehničari, koji su ih znali upotrebljavati, izradili su mnogo karata sa izohipsama čak do dvije stope. Taj rad počeo je 1922. godine. Uspinkos toga, što su izveli mnogo topografskih premjera, u to doba nije bilo dovoljno posla, da bi se ovaj pionirski rat isplatio, pa je 1930. godine firma prestala sa radom. Nekoliko godina poslije Aero Service Corporation preuzeila je patente i opremu. Za vrijeme rata je Brockovom opremom i tehnikom bez bitnih promjena načinjeno na stotine karata u USA i stranim područjima, a kao doprinos ratnim naporima. Brockov postupak se odlikuje time, što je jedan od velikih i najranijih doprinosa fotogrametriji, što su USA dale.

Brockova nagrada bi trebala steći međunarodni značaj. Njome će upravljati Savjet Međunarodnog društva za fotogrametriju dok dodjeljivanje nagrade treba da se odnosi na pojedince, jer se nagrada neće podjeljivati radnim grupama niti bilo kakovo komercijalnoj ustanovi niti firmi.

Savjet će dodjeljivati Brockovu nagradu samo kao priznanje za istaknuti doprinos fotogrametriji. Samo iz osnova nove opreme ili tehnike mogu biti priznate, kao i neke druge nove metode ili kakav veći potpuno izvršeni fotogrametrijski premjer.

Procedura Savjeta pri donošenju preporuka usmjerena je na to, da o-

mogući potpuno pravilno ocjenjivanje preporuka.

Pravilnik za dodjeljivanje Brockove medalje prema odlukama savjetovanja Internacionalnog društva za fotogrametriju od 22. maja 1954. i 25. marta 1955.

Gosp. Virgil Kauffmann iznio je Međunarodnom društvu za fotogrametriju svoju želju, da osnuje fond za zlatnu medalju u spomen na gosp. Brocka, koju bi trebalo podjeljivati preko društva, a za razvoj fotogrametrije.

On je ukazao na to, da bi glavna svrha tih medalja trebala biti:

- a) visoko internacionalno stanovište,
- b) da ne nosi nikakav komercijalni karakter,
- c) potpuno internacionalni karakter
- d) da nije ograničena samo na članove ISP
- e) da bude dodjeljivana kao priznanje za istaknute i provjerene doprinosе fotogrametriji u bilo kakvoj formi, bilo za izvršena veća fotogrametrijska snimanja, bilo za iz osnove nove opreme ili tehnike, ili druga dostignuća
- f) da bude dodjeljivana uvijek onda, kada se radi o značajnom doprinosu za napredak fotogrametrije
- g) da nosi ime Brock

Virgil Kauffmann je izrazio želju, da ISP ustanovi svoja vlastita pravila uz njegov principijeli pristanak, a za podjeljivanje tih medalja.

Savjetovanje donosi jednoglasno slijedeća pravila, za koja je Virgil Kauffman dao svoj načelnii pristanak, prema kojima bi se trebala dodjeljivati Brockova medalja i koja trebaju vrijediti, dok ne budu jednoglasno primljena od svih članova Savjeta.

Pravila

1. Samo Savjet ISP-a može podjeljivati Brockovu medalju, a odgovarajući ovim pravilima.

2. Brockova se medalja može podijeliti samo za istaknute i provjerene doprinose fotogrametriji u bilo kojoj formi, bilo za veća izvršena fotogrametrijska snimanja, bilo za iz osnova nove ovreme ili tehnike, bilo za druga nova dostignuća.

3. Preporuka za dodjeljivanje nagrade mogu biti predložene u bilo koje vrijeme.

4. Preporuke će biti dostavljene pisomno predsjedniku ISP.

5. Preporuke treba da dadu dva predlagajući različitih nacionalnosti, koji moraju biti članovi ISP-a, ali ne iste nacionalnosti kao predloženi kandidat. Predlagajući moraju konzultirati predstavnike fotogrametrijske ustanove u zemlji predloženog kandidata (ili više ustanova, ako ih ima više), a koje su učlanjenje u ISP, ili, "gdje nema takovih organizacija, predstavnika priznatih nacionalnih fotogrametrijskih vlasti (ako postoje) u toj zemlji. Pristanak, ili kakovo drugo mišljenje ovih konzultiranih mora biti priloženo preporuci.

6. Preporuke treba da se odnose na pojedince, a ne na grupu ljudi, niti kakovu organizaciju ili komercijalnu firmu. Ipak, obzirom na to, što je mnogo napretka u fotogrametriji postignuto grupnim radom, to se dozvoljava da se preporuče vođe ili inspiratori takovih grupa, ili takova osoba, koja je po mišljenju same grupe učinila najviše ili dala najznačajniji ili osnovni doprinos za njihov rad.

7. Preporuci mora biti priložena dokumentacija i obrazloženje osnova na kojima počiva preporuka, a sve mora biti dovoljno da omogući Savjetu, da prepokoruku ocijeni.

8. Preporuke, koje će savjet primiti unutar roka od 6 mjeseci prije otvaranja kongresa bit će razmatrane tek poslije kongresa.

9. O nagradama treba odlučivati samo 6 mjeseci prije svakog kongresa, a predaja, ako je to ikako moguće, treba da bude izvršena na kongresu kandidatu lično ili njegovim zastupnicima.

10. Sve preporuke, razmatrane prije bilo kojeg kongresa, gube vrijednost, bila medalja dodijeljena ili ne, ako se pismeno ne obnove kod predsjednika.

11. Bilo koji član Savjeta, preporučen za nagradu, a čije je ime između ostalih, o kojima će savjet raspravljati, ne smije uzimati učešća u izboru, i ne smije se, kod primjene ovih pravila, smatrati članom savjeta.

12. Šest mjeseci prije svakog kongresa savjet treba da počne sa razmatranjima svih preporuka, koje su do tada stigle, a može proučavati vrijednost rada bilo koje druge osobe, osim člana savjeta, koju savjet smatra vrijednom rajmatranja u svrhu madradivanja.

13. Savjet mora dovršiti razmatranja i donijeti odluku na vrijeme, tako da se može pripremiti medalja i njena predaja na kongresu.

14. Savjet može primijeniti bilo koju preliminarnu proceduru za izbor, koju želi. Ipak, konačna odluka o dodijeljivanju nagrade mora biti donijeta glasanjem i jednoglasnim pristankom članova savjeta. Glasati treba lično, preko zamjenika ili poštom. Sustezanje od glasanja trećine ili više članova savjeta, bili oni prisutni ili ne, znači glas protiv.

15. Savjet ne može dodijeliti više od dvije nagrade za svaki kongres, ali može, prema svom nahodjenju, dodijeliti dvije, jednu ili nijednu.

16. Savjet ne može dodijeliti više od pet nagrada unutar 20 godina.

17. Mora biti osnovan fond za troškove dodijeljivanja medalja. Sredstva tog fonda ne smiju se upotrebljavati za druge svrhe. Novac fonda mora biti investiran u vrijednosne papire najveće sigurnosti, a u ime fonda. Samo kamati fonda će se upotrebljavati za dodijeljivanje medalje.

Fondom upravlja američko Fotogrametrijsko društvo preko izabranog odbora ili preko jednog člana tog društva. Upute za upravljanje fondom moraju biti odobrene od savjeta Internationalnog društva za fotografiju.

Iz našeg zakonodavstva

Na temelju čl. 13. i 94. Zakona o državnim službenicima, Savezno izvršno vijeće donosi

UREDBU

O ZVANJIMA I PLAĆAMA SLUŽBENIKA GEODESKE STRUKE U GEODETSKOJ SLUŽBI

I. Zvanja i raspored zvanja u plaćevne razrede.

Član 1.

Za službenike geodetske struke koji su zaposleni u državnoj geodetskoj službi postoje slijedeća zvanja:

- 1) geodetski crtač,
- 2) kartografski crtač,
- 3) geodetski pomoćnik,
- 4) katastarski referent,
- 5) geodetski inžinjer.

Uz zvanja geometra i geodetskog inžinjera može se dodati oznaka specijalnosti: kartograf, fotogrametrist ili gravimetrist.

Član 2.

Za zvanje geodetskog i kartografskog crtača potrebna je nepotpuna srednja škola i položen ispit za to zvanje.

Za zvanje geodetskog pomoćnika potrebna je nepotpuna srednja škola i jednogodišnji tečaj za to zvanje sa položenim završnim ispitom tečaja.

Za zvanje katastarskog referenta potrebna je potpuna odnosno nepotpuna srednja škola i položen stručni ispit za to zvanje.

Za zvanje geometra potrebna je potpuna geodetska srednja tehnička škola (geodetski odsjek srednje tehničke škole) ili dvogodišnji geodetski odsjek, odnosno dvogodišnji tečaj sa položenim završnim ispitom tečaja na tehničkom fakultetu ili visokoj školi u rangu fakulteta i položen stručni ispit za zvanje geometra.

Za zvanje geodetskog inžinjera potreban je završen geodetski odsjek tehničkog fakulteta i položen stručni ispit za to zvanje.

Član 3.

Zvanja iz prethodnog člana raspoređuju se u slijedeće plaćevne razrede:

- 1) zvanje geodetskog crtača, uključujući i pripravnike za ovo zvanje, od XIX. do zaključno XIII. plaćevnog razreda;
- 2) zvanje kartografskog crtača, uključujući i pripravnike za ovo zvanje, od XIX. do zaključno XII. plaćevnog razreda;
- 3) zvanje geodetskog pomoćnika, od XIX. do zaključno XII. plaćevnog razreda;
- 4) zvanje katastarskog referenta, uključujući i pripravnike za ovo zvanje, od XIX. do zaključno XII. plaćevnog razreda (nepotpuna srednja škola), odnosno od XVI. do zaključno VIII. plaćevnog razreda (potpuna srednja škola);
- 5) zvanje geometra, uključujući i pripravnike za ovo zvanje, od XVI. do zaključno VIII. plaćevnog razreda;

6) zvanje geodetskog inžinjera, uključujući i pripravnike za ovo zvanje, od XIV. do zaključno VI. plaćevnog razreda.

Član 4.

Osobe koje prvi put stupaju u geodetsku službu, a imaju školske i druge kvalifikacije iz čl. 2. ove uredbe, primaju se u službu kao pripravnici (osim službenika u zvanju geodetskog pomoćnika) i raspoređuju se u početne plaćevne razrede odgovarajućih zvanja.

Pripravnički staž traje tri godine.

Pripravnik može polagati stručni ispit pošto navrši dvije godine pripravničke službe (staža).

Po položenom stručnom ispitom i navršenom stažu pripravnik se postavlja u odgovarajuće zvanje i raspoređuje u slijedeći plaćevni razred tog zvanja.

II. Napredovanje službenika.

Član 5.

Službenici zaposleni u državnoj geodetskoj službi čija su zvanja obuhvaćena čl. 1. ove uredbe napreduju u osnovnoj plaći dobivanjem višeg zvanja, višeg plaćevnog razreda ili dobivanjem periodskih povišica.

Član 6.

U istom zvanju službenici zaposleni u državnoj geodetskoj službi redovno napreduju u više plaćevne razrede poslije svake tri godine službe.

Ako starješina nalazi da je službenik imao slab uspjeh u radu i da zbog toga ne zaslužuje da bude unaprijeden u viši plaćevni razred, zatražit će da komisija za službenička pitanja iz čl. 41. Osnovne uredbe o zvanjima i plaćama službenika državnih organa povede postupak za davanje ocjene o radu službenika.

Ako komisija dade nepovoljnu ocjenu, službenik ostaje u istom plaćevnom razredu još jednu godinu. Po isteku ovog roka može se ponovno pokrenuti postupak za davanje ocjene o radu službenika.

Protiv rješenja donesenog po prethodnom stavu, sužbenik ima pravo žalbe nadležnom državnom sekretaru za poslove opće uprave i budžet.

Član 7.

Službenik u zvanju katastarskog referenta koji ima potpunu srednju školu i službenik u zvanju geometra mogu biti unapređeni u XI. plaćevni razred, ako u XII. plaćevnom razredu provedu tri godine i ako polože posebni ispit za unapređenje u XI. plaćevni razred.

Službenici iz prethodnog stava koji se ističu naročitim kvalitetama, a polozili su posebni ispit, mogu biti unapređeni u XI. plaćevni razred i prije roka iz prethodnog stava, ako imaju najmanje osam godina službe.

Službenici koji su unapređeni u XI. plaćevni razred po prethodnim stavovima mogu dalje napredovati do uključivo VIII. plaćevnog razreda.

Član 8.

Službenik u zvanju geodetskog inžinjera koji ima tri godine službe u X. plaćevnom razredu, može biti unapređen, u istom zvanju, u IX. plaćevni razred, ako je pokazao veću sposobnost u vršenju složenijih poslova svoga zvanja.

Izuzetno službenici iz prethodnog stava koji se ističu naročitim stručnim kvalitetama mogu biti unapređeni u IX. plaćevni razred, ako imaju najmanje osam godina službe.

Član 9.

Službenici zaposleni u državnoj geodetskoj službi unapređuju se u zvanje savjetnika ili višeg savjetnika shodno odredbama Osnovne uredbe o zvanjima i plaćama službenika državnih organa.

Član 10.

Službenici koji provedu tri godine u najvišem plaćevnom razredu svoga zvanja, a ne bude unapređeni u više zvanje, odnosno u viši plaćevni razred (čl. 7. i 8.) dobivaju periodsku povišicu.

Periodske povišice daju se svake tri godine službe i iznose mjesечно:

- 1) 400 dinara u XIII. i XII. plaćevnom razredu,
- 2) 500 dinara u X. i VIII. plaćevnom razredu,
- 3) 700 dinara u VI. plaćevnom razredu.

Periodske povišice daju se po službenoj dužnosti.

Ako bi unapređenjem u više zvanje službenik dobio manju plaću od plaće koju je imao sa dobivenim periodskim povišicama, zadržava i dalje tadašnju plaću.

III. PRELAZNE I ZAVRŠNE ODREDBE

Član 11.

Službenik u zvanju geodetskog crtača koji ima XIV. plaćevni razred i službenik u zvanju kartografskog crtača, geodetskog pomoćnika i katastarskog referenta sa nepotpunom srednjom školom, koji imaju XIII. plaćevni razred, a prema priznatim godinama službe ispunjavaju uvjete za viši plaćevni razred, unaprijedit će se u XIII. odnosno XII. plaćevni razred.

Član 12.

Službenici u zvanju katastarskog referenta sa potpunom srednjom školom koji su na temelju člana 17. Pravilnika o zvanjima i plaćama službenika geodetske struke u geodetskoj službi prevedeni u X. plaćevni razred na dan 1. travnja 1952., a mogli su tada prema godinama službe priznatim za napredovanje, biti prevedeni u IX. plaćevni razred, unaprijedit će se sa 1. travnja 1955. u VIII. plaćevni razred.

Član 13.

Izuzetno od odredbe čl. 3. toč. 5. ove uredbe, službenici u zvanju geometra koji su 6. travnja 1941. završili dvogodišnji geodetski odsjek, odnosno geodetski tečaj sa završnim ispitom tečaja na tehničkom fakultetu ili visokoj školi u rangu fakulteta u zemlji ili u inostranstvu (sa nostrificiranim diplomama), rasporeduju se prema godinama službe do zaključno VII. plaćevnog razreda.

Službenici iz prethodnog stava koji su do stupanja na snagu ove uredbe proveli tri godine u VIII. plaćevnom razredu, unaprijedit će se u VII. plaćevni razred po završenoj trećoj godini službe VIII. plaćevnog razreda, ako se ne primjene odredbe čl. 6. st. 2. i 3. ove uredbe.

Član 14.

U svemu ostalom na službenike čija su zvanja obuhvaćena čl. 1. ove uredbe primjenjivat će se odredbe Osnovne uredbe o zvanjima i plaćama službenika državnih organa.

Potanje propise o povredi ove uredbe donosi savezni državni sekretar za poslove opće uprave i budžet.

Član 15.

Stupanjem na snagu ove uredbe prestaje važiti Pravilnik o zvanjima i plaćama službenika geodetske struke u geodetskoj službi (Sl. list FNRJ br. 17/52.).

Član 16.

Ova uredba stupa na snagu danom objavljenja u Sl. listu FNRJ.

SAVEZNO IZVRŠNO VJEĆE

R. p. br. 373

Beograd, 11. listopada 1955.

Predsjednik Republike
Josip Broz-Tito, v. r.